

არასამეწარმეო (არაკომერციული) იურიდიული პირი - „ გორის მუნიციპალიტეტის სპორტის განვითარებისა და ხელშეწყობის სააგენტოს“ წესდება

მუხლი 1. ზოგადი დებულებები

1. არასამეწარმეო (არაკომერციული) იურიდიული პირი - „ გორის მუნიციპალიტეტის სპორტის განვითარებისა და ხელშეწყობის სააგენტო (შემდგომში - სააგენტო) მოქმედებს საქართველოს კონსტიტუციის, საქართველოს ორგანული კანონის „ადგილობრივი თვითმმართველობის კოდექსის“, საქართველოს სხვა საკანონმდებლო და კანონქვემდებარე ნორმატიული აქტების, გორის მუნიციპალიტეტის წარმომადგენლობითი და აღმასრულებელი ორგანოების სამართლებრივი აქტებისა და წინამდებარე წესდების შესაბამისად.
2. სააგენტოს ორგანიზაციულ-სამართლებრივი ფორმაა არასამეწარმეო (არაკომერციული) იურიდიული პირი .
3. სააგენტო თავისი მიზნებიდან გამომდინარე მოქმედებს საქართველოს მთელ ტერიტორიაზე, ასევე მის ფარგლებს გარეთ.
4. სააგენტოს გააჩნია იურიდიული პირისთვის საჭირო ყველა ატრიბუტი, ბეჭედი, შტამპი, ანგარიშსწორებისა და სხვა სახის ანგარიშები სათანადო დაწესებულებებში.
5. სააგენტო შექმნილია განუსაზღვრელი ვადით.
6. სააგენტოს სრული სახელწოდებაა არასამეწარმეო (არაკომერციული) იურიდიული პირი „გორის მუნიციპალიტეტის სპორტის განვითარებისა და ხელშეწყობის სააგენტო“.
7. სააგენტოს ელექტრონული ფოსტის მისამართია Sportcentri@gmail.com
8. სააგენტოს იურიდიული მისამართია: ქ.გორი სტალინის გამზ. N 11

მუხლი 2. სააგენტოს მიზნები და ამოცანები

1. სააგენტოს მიზნები:
 - ა) ჯანსაღი გარემოს შექმნა და ცხოვრების ჯანსაღი წესის დანერგვა, პოპულარიზაცია.
 - ბ) სპორტის სხვადასხვა სახეობებისა და სპორტული ტრადიციების დაცვა, გაღრმავება, სპორტის განვითარება.
 - გ) სულიერად და ფიზიკურად ჰარმონიულად განვითარებული პიროვნების ფორმირება;
2. სააგენტოს ამოცანები:
 - ა) გორის მუნიციპალიტეტის ტერიტორიაზე სპორტის სახეობების პოპულარიზაცია .
 - ბ) მასობრივი სპორტის განვითარების ხელშეწყობა.
 - გ) განსაკუთრებული უნარ-ჩვევების მქონე ახალგაზრდების გამოვლენა და მათი განვითარების ხელშეწყობა.
 - დ) გორის მუნიციპალიტეტის ტერიტორიაზე ახალგაზრდებისთვის სპორტის სხვადასხვა სახეობების სწავლება-ორგანიზება.
 - ე) სწავლების პროცესის მაღალ დონეზე წარმართვის ორგანიზება შესაბამისი განათლებისა და კვალიფიკაციის მქონე პედაგოგების (მწრთენელების) მეშვეობით.
 - ვ) გორის მუნიციპალიტეტის, ასევე სხვა სახელმწიფო თუ არასამთავრობო ორგანიზაციებთან ერთობლივად დაგეგმილ ღონისძიებებსა და პროექტებში მონაწილეობის მიღება.
 - ზ) სხვადასხვა სახის ღონისძიებების , ტურნირების მომზადება და გამართულად ჩატარების უზრუნველყოფა.

გორის მუნიციპალიტეტის იურიდიული პირის სააგენტოს
2

თ)საქართველოში მოქმედი კანონმდებლობით , მუნიციპალიტეტის წარმომადგენლობითი და აღმასრულებელი ორგანოების სამართლებრივი აქტებით განსაზღვრული სხვა ფუნქციების შესრულება.

3.თავისი მიზნების განსახორციელებლად სააგენტო კანონით დადგენილი წესით:

ა)ამყარებს პარტნიორულ ურთიერთობებს ადგილობრივ და უცხოურ ორგანიზაციებთან.

ბ) ფლობს, იძენს და განკარგავს ქონებას.

გ) შეიძლება იყოს მოსარჩელე და მოპასუხე სასამართლოსა და არბიტრაჟში.

4. სააგენტოს შეუძლია განახორციელოს სამეწარმეო საქმიანობა , რაც არ იკრძალება საქართველოს კანონმდებლობით, ატარებს დამხმარე ხასიათს. საქმიანობიდან მოგება უნდა მოხმარდეს სააგენტოს მიზნების განხორციელებას.

მუხლი 3. სააგენტოს სტრუქტურული ერთეულები

1.სააგენტოს სტრუქტურული ერთეულებია:

ა)გორის მუნიციპალიტეტის სპორტის განვითარებისა და ხელშეწყობის სააგენტოს ადმინისტრაციული განყოფილება.

ბ)უსაფრთხოებისა და მონიტორინგის განყოფილება.

გ) პიარისა და საზოგადოებასთან ურთიერთობის განყოფილება.

დ) სპორტული ღონისძიებების დაგეგმვისა და მონიტორინგის განყოფილება.

ე) მატერიალურ-ტექნიკური უზრუნველყოფის განყოფილება.

ვ) გორის მუნიციპალიტეტის სპორტის განვითარებისა და ხელშეწყობის სააგენტოს სპორტული ტურიზმისა და მოსწავლე - ახალგაზრდობის ცენტრი.

ზ)გორის მუნიციპალიტეტის სპორტის განვითარებისა და ხელშეწყობის სააგენტოს გურამ პაპიტაშვილის სახელობის ჭიდაობის კომპლექსური სკოლა .

თ)გორის მუნიციპალიტეტის სპორტის განვითარებისა და ხელშეწყობის სააგენტოს ნუგზარ სხირელის სახელობის თავისუფალი ჭიდაობის სკოლა.

ი) გორის მუნიციპალიტეტის სპორტის განვითარებისა და ხელშეწყობის სააგენტოს შოთა ჩოჩიშვილის სახელობის კომპლექსური სპორტული სკოლა, (მის: გორი სტალინის გამზ. #11), რომლის დაქვემდებარებაშიც შედის გორის რაიონში არსებული შემდეგი სექციები:

1. სოფ. ქვახვრელი - ძიუდოს სექცია;

2. სოფ. ფლავისმანი - ძიუდოს სექცია;

3 სოფ. სკრა - ძიუდოს სექცია;

4 სოფ. ზერტი - ძიუდოს სექცია;

5 სოფ. მერეთი - ძიუდოს სექცია;

6 სოფ. ტყვიავი - ჭადრაკის სექცია;

7 სოფ. ატენი - ძიუდოს სექცია;

8 სოფ. ზედდულეთი - ძიუდოს სექცია;

9 სოფ. ქორდი - თავისუფალი ჭიდაობის სექცია;

კ)გორის მუნიციპალიტეტის სპორტის განვითარებისა და ხელშეწყობის სააგენტოს ავთანდილ შოშიაშვილის სახელობის კრივის სპეციალიზებული სკოლა.

ლ)გორის მუნიციპალიტეტის სპორტის განვითარებისა და ხელშეწყობის სააგენტოს გიორგი კანდელაკის სახელობის ვარიანის კრივის სკოლა .

მ) გორის მუნიციპალიტეტის სპორტის განვითარებისა და ხელშეწყობის სააგენტოს ძიუდოს კლუბი „Golden Gori“.

ნ) გორის სპორტის სასახლე;

ო) გორის მუნიციპალიტეტის სპორტის განვითარებისა და ხელშეწყობის სააგენტოს თავისუფალი ჭიდაობის კლუბი „ F.W. Skhireli club”.

2. სააგენტოს განყოფილებების საქმიანობას დირექტორთან კოორდინირებით წარმართავენ განყოფილების უფროსები და მენეჯერები რომლებსაც გორის მუნიციპალიტეტის მერთან შეთანხმებით თანამდებობაზე ნიშნავს და ათავისუფლებს სააგენტოს დირექტორი.

3. სააგენტოს სტრუქტურული ერთეულების ფუნქციები განისაზღვრება სამუშაო აღწერილობებით, რომელსაც შესაბამისი სტრუქტურული ერთეულის უფროსთან/მენეჯერთან კოორდინირებით ამტკიცებს სააგენტოს დირექტორი.

მუხლი 4. სააგენტოს მართვა

1. სააგენტოს ხელმძღვანელობს სააგენტოს დირექტორი რომელსაც თანამდებობაზე ნიშნავს და ათავისუფლებს გორის მუნიციპალიტეტის მერი.

2. სააგენტოს დირექტორს ყავს ორი მოადგილე რომელსაც გორის მუნიციპალიტეტის მერთან შეთანხმებით თანამდებობაზე ნიშნავს და ათავისუფლებს სააგენტოს დირექტორი.

3. სააგენტოს დირექტორი:

ა) ხელმძღვანელობს და წარმართავს სააგენტოს საქმიანობას საწესდებო მიზნების მისაღწევად.

ბ) ხელს აწერს სააგენტოს ოფიციალურ, მათ შორის ფინანსურ დოკუმენტებს.

გ) ამტკიცებს სააგენტოს შრომის შინაგანაწესს

დ) წარმოადგენს სააგენტოს სხვა პირებთან ურთიერთობაში.

ე) ახორციელებს სააგენტოს ფინანსური სახსრებისა და სხვა მატერიალური ქონების ოპერატიულ მართვას, მართლზომიერად გამოყენებასა და მოვლა-პატრონობას.

ვ) გორის მუნიციპალიტეტის მერთან შეთანხმებით ამტკიცებს სააგენტოს საშტატო განრიგს და ბიუჯეტის ხარჯთაღრიცხვას.

ზ) განსაზღვრავს სტრუქტურული ერთეულის ფუნქციებს, შეიმუშავებს მათ სამუშაო აღწერილობებსა და თანამდებობრივ ინსტრუქციებს.

თ) მერთან შეთანხმებით თანამდებობაზე ნიშნავს და ათავისუფლებს დირექტორის მოადგილესა და სააგენტოს სტრუქტურული ერთეულის უფროსებს/მენეჯერებს. თანამდებობაზე ნიშნავს და ათავისუფლებს სააგენტოს თანამშრომლებს;

ი) სააგენტოს სტრუქტურული ერთეულების მენეჯერებთან/უფროსებთან შეთანხმებით ადგენს სხვადასხვა სახის ღონისძიებათა კალენდარს და უზრუნველყოფს მათ გამართულად ჩატარებას.

კ) არ ერევა სააგენტოში შემავალი სტრუქტურული ერთეულების უფროსების/მენეჯერების მიერ შემუშავებულ (დაგეგმილ) სამწრთვან და სასწავლო პროცესში.

ლ) მოადგილეებისთვის განსაზღვრავს საკურატორო სფეროებს.

მ) ასრულებს ამ წესდებით მასზე დაკისრებულ მოვალეობებსა და კანონით აუკრძალავ სხვა ფუნქციებს.

ნ) პასუხისმგებელია გორის მუნიციპალიტეტის მერის წინაშე.

ო) მუნიციპალიტეტის მერს წარუდგენს ანგარიშს გაწეული სამუშაოს შესახებ.

4. სააგენტოს ხელმძღვანელი თავისი უფლებამოსილებების შესასრულებლად გამოსცემს ბრძანებებს.

5. სააგენტოს დირექტორის არყოფნის შემთხვევაში, გორის მუნიციპალიტეტის მერთან შეთანხმებით, სააგენტოს დირექტორის მოვალეობას ასრულებს ერთ-ერთი მოადგილე.

6. დირექტორის უფლებამოსილების ვადამდე შეწყვეტა მის მიერ წესდებით განსაზღვრული მიზნებისა და ამოცანების არაჯეროვანი და არასრულფასოვანი შესრულების, უფლებამოსილების გადამეტების ან სააგენტოს საწესდებო მიზნებთან შეუსაბამო საქციელისთვის შეუძლია გორის მუნიციპალიტეტის მერს. ასეთ შემთხვევაში ერთი თვის ვადაში ინიშნება სააგენტოს ახალი დირექტორი.

500
C17
160

7.სააგენტოში დასაქმებულ თანამშრომელთა უფლებამოსილებები განისაზღვრება წინამდებარე წესდებით, სააგენტოს სამუშაო აღწერილობებით, შრომის შინაგანაწესითა და თანამდებობრივი ინსტრუქციებით.

მუხლი 5. სააგენტოს ქონება

1. სააგენტოს შეიძლება საკუთრებაში ჰქონდეს შენობები, ნაგებობები, სატრანსპორტო საშუალებები, ფულადი აქციები და მოძრავი ქონება, რაც ესაჭიროება თავისი საქმიანობის განსახორციელებლად;
- 2.ორგანიზაციის ქონება იქმნება სხვადასხვა შენატანების, პირთა შემოწირულობებისგან, აგრეთვე კანონმდებლობით ნებადართული სხვა შემოსავლებიდან.

მუხლი 6. რეორგანიზაცია/ლიკვიდაცია

- 1.რეორგანიზაცია/ლიკვიდაცია და ლიკვიდაციის შედეგად დარჩენილი ქონების განაწილება ხდება საქართველოს კანონმდებლობით დადგენილი წესით;

მუხლი 7. სააგენტოს წესდებაში ცვლილებების შეტანის წესი

1. წესდებაში ცვლილებებისა და დამატებების შეტანა ხდება დამფუძნებლის მეშვეობით საქართველოს კანონმდებლობით დადგენილი წესით.

მუხლი 8. დასკვნითი დებულებები

1. თუ ამ წესდების რომელიმე დებულება ბათილად იქნა ცნობილი, ეს გავლენას არ მოახდენს წესდების სხვა დებულებების ნამდვილობაზე.
2. ამ წესდებასა და საქართველოს მოქმედ კანონმდებლობას შორის შეუსაბამობის შემთხვევაში მოქმედებს საქართველოს კანონმდებლობით განსაზღვრული ნორმები.

მუხლი 9. დამფუძნებელი

1. სააგენტოს დამფუძნებელია გორის მუნიციპალიტეტი ს/კ 218086087